

Kuva Vadzidzi VeBhaibheri Kunokosha

Nhungamiro Yekukura muShoko raMwari

Zvidzidzo 11-13

*Asi kurai munyasha neparuzivo rwaIshe
wedu neMuponesi Jesu Kristu. Kubwinya
ngakuve kwaari zvino nokusingaperi. Amenii.*

2 Petro 3:18

Yakadhindwa na:

Cornerstone Bible Ministries

Mutare, Zimbabwe

+263 781 158 599

gospelforzim@gmail.com

Chidzidzo 11: Vamwe vatendi

Basa rangu kune vamwe vatendi sechikamu chemhuri yaMwari ndereyi?

Pawakagamuchira Mambo Jesu Kristu, wakaberekwa kutsva mumhuri yaMwari. Zvinoreva kuti wava nevakoma nehanzvadzi munaKristu sechikamu chemba yekutenda. Izvi zvakangofanana nemhuri dzepanyika, mhuri yaMwari inouya nemamwe makomborero uye basa kune munhu umwe neumwe mumhuri umu. Chidzidzo chino chakagadzirwa kukubatsira kuziva basa rako mumhuri yaMwari uye kutsanangura hukama huri pakati pako nevamwe vatendi

I. Unahwo hukama husingaperi hwepamweya nemunhu wese anovawo mwana waMwari

A. Vanhu vese vakaponeswa, vakoma nehanzvadzi dzako munaKristu.

Tarisa ndima dzinotevera dzinotipa muenzaniso wezvaturi kutaura nezvazvo: Johani 1:12, vaGaratiya 3:26, 4:5, 6:10, vaEfeso 1:5, 2:19, 3:14-15, 1 Johani 3:1.

1. Izvi zvinoreva kuti vanhu vakarasika hauna hukama navo pamweya zvisinei nezvimwe zvinhu zvakatikomberedza.
2. Mwari vanonyanya kusimbisa hukama hwedu hwepamweya kupfuura hukama hwedu hwepanyama, kana kuti hwemhuri dzatakaberekwa madziri (Mako 3:31-34, 1 Johani 3:16).
3. Izvi zvinorevawo zvakare kuti vamwe vatendi zvisinei nekereke kana bato ravanobata vari, vanenge vangori vakoma nehanzvadzi dzedu munaKristu.

II. Unaro basa rawatogadziririwa kuti uzadzise kune vemhuri yako pamweya.

Kana ukazonzvera inzwi rekuti “pamwechete” muTestamente Itsva, uchaona kuti pane mirairo yakawanda uye yakakosha pamusoro pevanhu vaMwari uye kuti unofanirwa kuyanana nevamwe vatendi sei. Kukura pamweya kunouya tichisangana nevamwe vatendi. Kana pasina kuyanana nevamwe, zvinoratidza kusakura pamweya! Tichaona mucherechedzo kubva mundima dzinotevera wenzira yatinofanirwa kutevedza wekuyanana nevamwe sekuyananaMwari vanoita nesu – Izvi zvinozotibatsira kuona kuti zvirokwazvo Mwari vakaisa chikero chekuyanana kwedu mudenga!

- A.** Unofanirwa kuda vanhu vaMwari (Johani 13:34-35, 1 Petro 3:8, 4:8, 1 Johani 3:14-16).
- B.** Unofanirwa kubatsira dzimwe hama munaKristu nezvinhu zvepamweya uye panyama (vaGaratiya 6:1-2, vaRoma 12:13, 1 Johani 3:17-18).
- C.** Unofanirwa kunyengeterera vanhu vaMwari (Jakobo 5:16, 1 vaTesaronika 1:2-3).
- D.** Unofanirwa kunyaradza, kusimudzira, uye kukurudzira vamwe vatendi (vaRoma 15:1-2, 1 vaTesaronika 5:11, vaHeburu 3:13).
- E.** Unofanirwa kushanda nekushandira vamwe vatendi uchizvinipisa (vaFiripi 2:3-4).
- F.** Unofanirwa kuva nemoyo murefu kune vamwe vatendi (vaRoma 15:5-7, vaEfeso 4:2).
- G.** Unofanirwa kuva nemoyo munyoro uye nokuregerera vamwe vatendi (vaEfeso 4:32).
- H.** Unofanirwa kubuda pachena paunoshandidzana nevamwe vatendi (vaEfeso 4:25).

III. Unacho chikamu pakuyanana nevamwe vatendi kuri maringe nemagwaro.

Kuyanana nevamwe ma Kristu hakuna kungobatikira pane zvokudya kana kufarira zvakafanana zviripanyika. Kuyanana kwevatendi kunobatirira pakuyanana kwatinako tose naKristu.

- A.** Kuyanana kuri maringe nemagwaro kugoverana hupenyu nebasa raMwari nevamwe vatendi. (vaFiripi 1:3-6, 2:1-2, onawo zvakare 2 vaKorinde 1:11, 8:4).
- B.** Kuchengetedza kuyanana kwedu nevamwe maKristu kuti tive nehunhu hwemweya nekuzvininipisa (vaFiripi 2:3-8, Zvirevo 13:10).
- C.** Kana tisina kuyanana nevamwe vatendi, uyu mucherechedzo wokuti yanano yedu naKristu haisi painofanirwa kunga iri (1 Johani 1:3-7, 1 vaKorinde 1:9-10).

IV. Bhaibheri rinotipa mirairo yekushandisa nekugadzirisa kana tichinge tagumburisa nevamwe vatendi

Ichasvika nguva yekuti tichasangana nekurwadziswa, kupokana uye kugumburiswa nevamwe vatendi, vana vaMwari. Vamwe vatendi vanobvumidza kuti zvinhu zvakadai izvi zvivabvise pakuyanana nevamwe vatendi vaMwari zvokanganisa kushandira kwavo Mwari. Hatifanire kungogumburiswa nezvinhu zvidiki (Mapisarema 119:165). Kuri kuzoti tagumburiswa nezvinhu zvikuru, iripo nzira kana hwaro maringe nemagwaro kuti tigadzirise dambudziko.

- A.** Gadzirisa dambudziko rako nemunhu akakukanganisira. Izvi zvinoitwa muri mega muri maviri. (Mateo 18:15). Matambudziko mazhinji anowanogadzirisika padanho rekutanga iri.
- B.** Kana dambudziko rikatadza kugadzirisika nenzira iyi yevaviri, torai mutendi akura paMweya wechitatu anoremekedzwa nevaviri ava, ave muyanani (Mateo 18:16, 1 vaKorinde 6:1-5).

- C.** Kana dambudziko rikatadza kugadzirisika nenzira mbiri idzi, itorei moenda kune vatungamiri vekereke kuti akanganisa ave nemukana wekuzviisa pasi pevatungamiri vekereke yenharaunda (Mateo 18:17).
1. Mune dzimwe nguva, kugadzirisa kwekereke kunoitwa zvine matanho. Iva wakagadzirira kutsigira kutonga nekudzora kwekereke. Dziripo mhosva dzinoda kuti kereke igadzirise nekutsiura kuburikidza nevatungamiriri vakaiswa naMwari.
 - a. Dzidziso yakatsauka (vaRoma 16:17)
 - b. Hupombwe /Kusagadzikana (1 vaKorinde 5:9, 11)
 - c. Hunyope (2 vaTesaronika 3:6, 11, 14)
 - d. Makaro neruchiva (1 Timtio 6:5)
 2. Chinangwa chikuru chekudzora kwekereke kuti mutendi atendeuke kubva pamabasa akaipa (Ruka 17:3) nekudzoreranidza (vaGaratiya 6:1-2).
 3. Ipai nyaya idzi nekuitika uku kune vatungamiriri (vaHeburu 13:7, 17).
- D.** Chenjerera nguva dzose kuva nemudzi wechigumbu mumoyo mako pega pega paunosangana nekupokana uye kutsamwiswa (vaGaratiya 5:14-15, vaHeburu 12:14-15).

Mibvunzo yechidzidzo 11

1. Ko sei Mwari vachinyanya kusimbisa hukama hwedu hwepamweya mushoko ravo kupfuura hukama hwedu kwepanyama?
2. Ndeipi nzira yakashandiswa naShe Jesu Kristu kugadzira chikero chatinofanirwa kuteera tichiyana nevamwe? Ipa miyenzaniso .
3. Ipa mifananidzo kana miyenzaniso mishoma yekuti inzira dzipi dzatinofanirwa kubata madzikoma nehanzvadzi dzedu munaShe?
4. Hukama hwedu nevamwe hunofanirwa kubatirira pachii? Kana munhu asingayanani nevamwe zvakanaka zvinoburitsa mucherechedzo wakadi pamusoro pehukama hwake naMwari?
5. Ndeipi nzira yekutanga mukuedza kugadzirisa dambudziko nekusayanana kwakanaka nevamwe vatendi?
6. Chii chaunofanirwa kuchenjerera kwachiri paunosangana nekugumburiswa nemumwe mutendi?

Ndimba dzekuchengeta mumoyo 11

Shanda nesimba vhiki rino uchizvipa nguva yako kuedza kuchengeta nokuziva zvikamu zvinotevera nomusoro. Zvinogona kubatsira kumanyora pachikadhi wofamba naro uchizotarira nguva nenguva. Funga pamusoro pendima idzi paunenge uchiedza kumaisa mumusoro.

*Muitirane moyo munyoro, munzwirane tsitsi,
mukanganwirane, sezvamakakanganwirwa naMwari
munaKristu VaEfeso 4:32*

*Asi kana tichifamba muchiyedza, saiye are muchiyedza,
tinoyanana isu; neropa raJesu Kristu, Mwanakomana wake
rinotinatsa pazvivi zvose 1 Johan 1:7*

Chidzidzo 12 :

Kuda kwaMwari Chikamu 1

Ndingaziva sei kuda kwaMwari muhupenyu hwangu?

Mwari havayeri kubudirira kwemunhu vachitarisa pfuma, dzidzo kana kuzivikanwa nekukurumbira kwemunhu. Kubudirira kwedu muhupenyu kunoonekwa nekuziva uye kuita kuda kwaMwari. Chidzidzo chino chakagadzirwa kukubatsira kunzwisisa uye nekuziva kuda kwaMwari, kuti ukwanise kushingaira kuzvizadzisa muhupenyu hwako.

I. Bhaibheri ndiro rinotitungamira kuti tizive kuda kwaMwari.

Zvizhinji zvinechekuita nekuda kwaMwari muhupenyu hwedu zvinoburitswa pachena muMagwaro. Nekuda kwekuti Shoko raMwari harishanduki, tinofanirwa kutungamirirwa nechikero cheBhaibheri raMwari pakuita kwedu kwose. Pazasi wakapihwa zvimwe zvezvinhu zvakaburitswa pachena pamusoro pekuda kwaMwari muhupenyu hwemumwe nemumwe.

A. Kuda kwaMwari kuti munhu wese aponeswe (2 Petro 3:9).

1. Izvi zvinoreva kuti vanhu vese vakarasika havasi mukuda kwaMwari.
2. Izvi zvinorevawo zvakare kuti Mwari vanotarisa kuti tive tichibata nevamwe pakuparidza Evangeri.

B. Kuda kwaMwari kuti tirarame hupenyu hwakarurama nekuzvibvisa kubva pakusvibiswa kwezvivi zvepabonde zviri kunze kwewanano (1 VaTesaronica 4:1-7).

C. Kuda kwaMwari kuti timuvonge pazvose (1 Tesaronica 5:18).

- D.** Kuda kwaMwari kuti tizviise pasi pamasimba aakatiisa pasi pawo. (1 Petro 2:13-15).
- E.** Kuda kwaMwari kuti tishandise nguva yaakatipa nehuchenjeri (vaEfeso 5:15-17).
- F.** Kuda kwaMwari kuti tishandire vatungamiri vanemasimba pamusoro pedu nemoyo unoda (vaEfeso 6:5-8).
- G.** Kuda kwaMwari kuti mifungo yedu ishandurwe tisava vakafanana nenyika ino (Romans 12:1-2).
- H.** Kuda kwaMwari kuti tifanane nemufananidzo waKristu (VaRoma 8:28-29). Mutendi wose *anodamba* kuti ave wakafanana naKristu (vaEfeso 4:1, 11-12).
1. Izvi zvinotangira paruponeso (1 Timotio 2:3-4, 2 vaKorinde 4:3-6, vaKorose 3:10). Izvi zvinoisa mufananidzo waKristu mukati medu.
 2. Izvi zvinoenderera nekuzvitsaura pakuzvinatsa (1 Petro 4:1-2, 2 vaKorinde 3:18). Izvi zvinoburitsa mufananidzo waKristu kuburikidza nesu.
 3. Izvi zvichazozadzikiswa nekushandurwa kwekubwinya (vaEfeso 1:3-14, 1 John 3:1-2). Uyu ndiwo mufananidzo wekupedzisira wekufananidzwa naKristu.

Kuda kwaMwari hakusingori pamusoro *pezvatinoita* asi *zvatiiri*. Vanhu pavanotarisa kuoneka kwemunhu kunze, Mwari vanotarisa moyo (1 Samueri 16:7). Kuda kwaMwari kunopfuura zvatinoita bedzi kuchisvikira kwakadzika kwendangariro dzedu uye nezvinangwa zvemoyo dzedu (vaHeburu 4:12).

III. Ko zvimwe zvikamu zvekuda kwaMwari zvandisina chokwadi nazvo ?

- A.** Chakakosha pakunzwisisa maringe nehurongwa hwaMwari hwehupenyu hwedu sedungamunhu, kubatisisa nekuteerera zvikamu zvekuda kwaMwari zvatinonzwisisa izvo zvakaburitswa pachena kwatiri muShoko rake (Johani 7:17, vaRoma 12:1-2). Usanyanya kutambudzwa nezvikamu izvo zvisina kuburitswa pachena! Batirira nekusimbirira pakuteerera izvo zvaunoziva nekudaro Mwari vachakutungamirira muzvikamu zvausina chokwadi nazvo.
- B.** Mwari vanonditungamirira sei mukuziva kuda kwake muhupenyu hwangu kwezuva nezuva?
- 1.** Mwari vanoshandisa Shoko ravo kutiratidza nekusimbisa kuda kwavo muhupenyu hwedu kwezuva nezuva sevanhu vakazvimirira. (Mapisarema 119:105). Nekudaro izvi zvakakosha kuti tiverenge Shoko rake nguva nenguva uye kugara pasi pemharidzo.
 - 2.** Mwari vanotipa huchenjeri hwekuziva nekuita kuda kwake (Jakobo 1:5). Huchenjeri kuita izvo zvinodzidziswa neShoko raMwari kunyangwe pasina pachena pazvinorairwa kana kutemerwa muMagwaro.
 - a.** Izvi zvinosanganisa kutsvaga dzidziso nehwaro kune vatungamiri pamweya, vanehuchenjeri, vakaiswa naMwari muhupenyu hwako (zvinoreva mufundisi, vabereki, kana vamwe vatendi vanoratidza kukura pamweya) Zvirevo 11:14).

- b. Zvinosanganisawo kudzidza kubva pane zviitiko muhupenyu hwako, akutarisa zvakakukomberedza, nekunzwisisa kubata kwaMwari muhupenyu hwako (zvinoreva kuvhurika kwemikana nekuvharika kwayo).
3. Kuita kuda kwaMwari zvinoda kunge uchifamba naye. Izvi zvinoreva kuva nekuyanana kwakaenderera neMweya Mutsvene uyo Mwari vakatumira kuti ave mutungamiri nemudzidzisi wemunhu wese anotenda (vaGaratiya 5:25, Johani 16:13). Tichiverenga Magwaro, kuteerera mharidzo, nekutsvaga huchenjeri uye kutora nguva yedu tichinamata, Mwari vanoita kuti rugare rwavo rutonge mukati mehana dzedu (vaKorose 3:15).
- C. Tichifamba naMwari nekutsvaga kumufadza, anokwanisa kutipa sarudzo - sarudzo dzakasiyana dzakanaka dziri mukuda kwake. Izvi zvikaitika enderera mberi nemufaro nehuchenjeri uchiibatirira pane kutungamira kwake nekubata kwake.

Mibvunzo yechidzidzo 12

1. Mwari vakatiradza sei pachena zvizhinji zvinechekuita nekuda kwake muhupenyu hwedu?
2. Chidzidzo chino chaburitsa zvikamu zvinomwe zvekuda kwaMwari izvo zvavanotiburitsira pachena muMagwaro. Nyora izvi pazasi .
 - a.
 - b.
 - c.
 - d.
 - e.
 - f.
 - g.
 - h.
3. Ndeipi nzira yatinokwanisa kunzwisisa kuda kwaMwari kwezuya nezuya muhupenyu hwedu?
4. Ndezvipi zvinhu kana vanhu vatinokwanisa kushandisa kuti tinzwisise kana tirikuzoita kuda kwaMwari muhupenyu hwedu zuva nezuya ?

Ndima dzekuchengeta mumoyo dzechidzidzo 12

Shanda nesimba vhiki rino uchizvipa nguva yako kuedza kuchengeta nokuziva zvikamu zvinotevera nomusoro. Zvinogona kubatsira kumanyora pachikadhi wofamba naro uchizotarira nguva nenguva. Funga pamusoro pendima idzi paunenge uchiedza kumaisa mumusoro.

Naisvovovo ndinokukumbirai zvikuru kwamuri, hama dzangu, netsitsi dzaMwari kuti muisse miviri yenyu, chive chibairo chipenyu, chitsvene, chinofadza Mwari ndiko kunamata kwenyu kwemoyo: Musaenzaniswa nenyika ino, asi mushandurwe murangariro wenyu uchivandudzwa, kuti muidze muzive kuda kwaMwari kwakanaka, kunofadza, kwakakwana. vaRoma 12:1-2

*Ivai nekuwonga pazvinhu zvose: nokuti ndiko kuda kwaMwari kwamuri munaKristu Jesu.
1 vaTesaronica 5:18*

Chidzidzo 13:

Kuda kwaMwari, Chikamu 2

Ndogara ndiri mukuda kwaMwari sei?

Kuda kwaMwari muhupenyu hwedu hachisi chinhu chinonetsa kubata kana kusvika pachiri. Kuda kwaMwari inzvimbo yezororo nerugare patinokwanisa kufarira nechokwadi chekuti tirikumufadza nekuzadzisa chinangwa chehupenyu hwedu (Zvakazarurwa 4:11). Tisingakanganwewo zvakare kuti mhandu inenge ichizama nguva nenguva kutibvisa pakuda kwaMwari.

- I. Ndezvipi zvimwe zvezvinhu zvingakawanisa kundibvisa kubva pakuda kwaMwari?**
 - A. Chivi.** Nzira irinyore kutibvisa pakuda kwaMwari inzira yechivi.
 - B. Kunonokerwa.** Kumirira nguva yakakodzera chinhu chakakosha kunaMwari (vaGaratiya 4:4).
 - 1.** Mwari vanoda timirire paari. (Mapisarema 25:21, 27:41, 40:1).
 - 2.** Rangarira miedzo yaDhiyabhorosi kunaKristu muna Mateo :8-11. AChinhu chakanaka sei (sekuti Kristu atonge marudzi ose enyika ino) asi panguva isina kufanira (Satani apo anoedza kupa Kristu marudzo ose aya) izvi zvinokwanisa kukanganisa kuda kwaMwari kwatiri.
 - C. Nzira dzisakafanira.** Nzira dzatinoshandisa kuita nazvo zvinhu zvedu dzakakosha kunaMwari.

1. Mwari vaida kuti Abrahama ave nembeu, asi kwete nenzira yaHagai (Genesisi 16:1-3). Mwari vakavimbisa Jacobho kuti aizowana ropafadzo yababa vake, asi kwete nenzira yehunyengeri yakatorwa namai vake (Genesisi 27:22-29).
2. Nzira dzaMwari hadzisi dzehunyengeri kana dzekumbunyikidza pfungwa.

D. Zvikonzero zvisakafanira. Mwari vanobatikirawo kunyangwe zvikonzero zvatinoitira zvinhu.

1. Isiraeri yaida mambo kuti azovatonga kuti vange *vakafanana* nemamwe marudzi (1 Samueri 8:5). Mwari akanga avimbisa kupa Israeri mambo (Genesisi 49:10, Dutoronomio 17:14-20), asi kwete nechinangwa chekuyanana nemamwe marudzi (Numeri 23:9).

E. Hunhu husakafanira. Kuda kwaMwari kwatiri kunosvika kunyangwe pamweya nehunhu hwedu.

1. Rangarira kuti Mwari vakakosherwa *nezvatiri* zvimwechetewo *nezvatinoita*. Mweya nehunhu hwedu hunechekuita *nezvatiri*.
2. Zvinhu zvinogona kuita zvinhu zvakanaka - zvakafanana kuzvichengetedza nekuzvichenesa kusaita zvepabonde kunze kwewanano (1 vaTesaronika 4:3-4) - asi munhu agova nekugununa una uye kusagutsikana nekuda kwaMwari (sekuti kugara usiri muwanano).
3. Kugutsikana kwedu kunowanikwa munaKristu (vaHeburu 13:5). Kuva nehukama naye kunofanirwa kunga kwakakwana kuti uve nemweya nehunhu hwakanaka zvisinei nezvakakukomberedza

II. Ko ndikakanganisa?

Vazhinji vedu takambosangana nekukundikana kukuru pakuita kuda kwaMwari. Kana uchinge wakundikana kuzadzisa kuda kwaMwari, tendeuka pakukanganisa kwako, wopupura kukundikana kwako kwaari, woenderera mberi (1 Johani 1:9). Kuda kwaMwari hachisi chinhu chekuti ukatochipotsa zvapera asi mukana unogara uripo kana tikaita kuda kwake.

III. Mwari Vanoda Kuti Tizive Nekuita Kuda Kwavo

- A. Mwari vanoda kuti uzive nekuzadzisa kuda kwavo zvimwechetewo uye kana kutopfuura kuziva kwako (vaFiripi 2:13, vaEfeso 5:17, vaaKorose 1:9).
- B. Mwari havatiratidze hurongwa hwese hwehupenyu hwedu kamwechete.
 - 1. Dai Mwari vaizodaro, dzimwe nguva izvi zvaizotiremera kuzvinzvisisa nekuzvitakura. Dzimwe nguva tinenge tisati tagadzirira kuziva (Johani 16:12).
 - 2. Mwari vanoda **kuti** titsungirire nekufamba mukutenda tichivimba naye pane zvatisinganzwisisi (vaFiripi 4:6-7).
- C. Unokwanisa kumira zvakanaka uye zvakazara mukuda kwaMwari (vaKorose 4:12), uyeMweya Mutsvene anenge achinamatira zvinhu izvozvo (vaRoma 8:27).

Mibvunzo yechidzidzo 13

1. Nyora zvinhu zvishanu zvinokwanisa kutibvisa pakuda kwaMwari.
 - i.
 - j.
 - k.
 - l.
 - m.
2. Unofanirwa kudini kana uchinge wapotsana kana kubva pakuda kwaMwari muhupenyu hwako?
3. Sei Mwari vasingationese zvole pamwechete pamusoro pehurongwa hwake nehupenyu hwedu?

Ndima dzekuchengeta mumoyo dzechidzidzo 13

Shanda nesimba vhiki rino uchizvipa nguva yako kuedza kuchengeta nokuziva zvikamu zvinotevera nomusoro. Zvinogona kubatsira kumanyora pachikadhi wofamba naro uchizotarira nguva nenguva. Funga pamusoro pendima idzi paunenge uchiedza kumaisa mumusoro.

Nekuti ndiye Mwari unoita mukati menyu kuda nekuita nekuda kwake kwakanaka . vaFiripi 2:13

Imi Ishe, Mwari wedu, makafanira kuti muvigrwe kubwinya, nokukudzwa, nesimba, nekuti ndimi makasika zvinhu zpose, zvakavapo, zvikasikwa nekuda kwenyu Zvakazarurwa 4:11